



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

9 հոկտեմբերի 2025 թվականի N 1430-Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2024 ԹՎԱԿԱՆԻ
ԴԵԿՏԵՄԲԵՐԻ 27-Ի N 2060-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ
Մ Ա Ս Ի Ն

Հիմք ընդունելով «Հայաստանի Հանրապետության 2025 թվականի պետական բյուջեի մասին» օրենքի 7-րդ հոդվածի 25-րդ մասը և «Նորմատիվ իրավական ակտերի մասին» օրենքի 33-րդ և 34-րդ հոդվածները՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2024 թվականի դեկտեմբերի 27-ի «Հայաստանի Հանրապետության 2025 թվականի պետական բյուջեի կատարումն ապահովող միջոցառումների մասին» N 2060-Ն որոշումը լրացնել հետևյալ բովանդակությամբ 28.1-ին և 28.2-րդ կետերով՝

«28.1. Հայաստանի Հանրապետության 2025 թվականի պետական բյուջեի «1139. Հայաստանի Հանրապետության կառավարության պահուստային ֆոնդ» բյուջետային ծրագրի «11003. Հարկաբյուջետային ռիսկերի կառավարման պահուստ» միջոցառումից նվազեցումները կատարվում են Հայաստանի Հանրապետության կառավարության որոշմամբ՝ հիմնվելով Հայաստանի Հանրապետության ֆինանսների նախարարության առաջարկի վրա, որը ձևավորվում է՝ հաշվի առնելով 2025 թվականի

պետական բյուջեի կատարման համամասնություններով սահմանված եռամսյակային եկամուտների ու ծախսերի փաստացի և մինչև տարեվերջ կանխատեսվող ցուցանիշները:

Սույն կետում նշված նվազեցումներն ուղղվում են «11001. Հայաստանի Հանրապետության կառավարության պահուստային ֆոնդ» միջոցառմանը և վերաբաշխումներ չեն համարվում:

28.2. Հայաստանի Հանրապետության 2025 թվականի պետական բյուջեի կատարման համամասնություններով սահմանված եռամսյակային եկամուտների թերհավաքագրման դեպքում Հայաստանի Հանրապետության ֆինանսների նախարարությունը կարող է ներկայացնել 2025 թվականի պետական բյուջեի կատարման համամասնություններով սահմանված եռամսյակային և փաստացի թերհավաքագրված եկամուտների տարբերության չափով բյուջեի եկամուտների և 2025 թվականի պետական բյուջեի «1139. Հայաստանի Հանրապետության կառավարության պահուստային ֆոնդ» բյուջետային ծրագրի «11003. Հարկաբյուջետային ռիսկերի կառավարման պահուստ» միջոցառումից ծախսերի համամասնական նվազեցման մասին Հայաստանի Հանրապետության կառավարության որոշման նախագիծ:»:

2. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՓՈԽՎԱՐՉԱԴԵՏ

Տ. ԽԱՉԱՏՐՅԱՆ

Երևան